



— ISTIADAT — PEMASYHURAN CANSELIOR


Universiti Teknologi MARA

**Kebawah Duli Yang Maha Mulia
Seri Paduka Baginda Yang di-Pertuan Agong
Sultan Ibrahim**

13 November 2024
bersamaan

1446 **جمادى الأولى 11**







— ISTIADAT — PEMASYHURAN CANSELOR

Universiti Teknologi MARA

**Kebawah Duli Yang Maha Mulia
Seri Paduka Baginda Yang di-Pertuan Agong
Sultan Ibrahim**

13 November 2024

bersamaan

1446 جادى الاول 11





DAULAT
TUANKU



**Kebawah Duli Yang Maha Mulia
Seri Paduka Baginda Yang di-Pertuan Agong
Sultan Ibrahim**

CANSELOR





**Kebawah Duli Yang Maha Mulia
Seri Paduka Baginda Raja Permaisuri Agong
Raja Zarith Sofiah**





KEMENTERIAN PENDIDIKAN TINGGI

YB Dato' Seri Diraja Dr. Zambrly Abd Kadir
SPSA., SPMP., DGSM., DPMP., AMP.PAT., AMS.

Menteri Pendidikan Tinggi






**Duli Yang Maha Mulia
Tengku Permaisuri Selangor
Tengku Permaisuri Hajah Norashikin
D.K., S.P.M.S., S.S.I.S., S.P.M.K.**

PRO-CANSEIOR






**Yang Berbahagia
Tan Sri Dato Sri Zarinah Anwar**
P.S.M., S.S.A.P., D.S.A.P.

PRO-CANSELOR






Yang Berbahagia
Dato' Profesor Emeritus Dr. Hassan Said
D.P.M.P., D.P.M.S., D.P.M.K., D.S.P.N., P.G.B.K., J.M.N.

PRO-CANSEIOR






Yang Berbahagia
Datuk Haji Abdul Wahab Aziz
P.G.B.K., J.B.S., P.P.B., P.P.D., P.B.E.

PRO-CANCELOR





Yang Berbahagia
Tan Sri Dato' Sri Haji Mohd Khamil Jamil
P.J.N., S.S.A.P., J.P., P.S.M., S.P.M.P.

Pengerusi
Lembaga Pengarah Universiti



Yang Berbahagia
Profesor. Datuk Dr. Shahrin Sahib @ Sahibuddin, FASc
D.M.S.M., D.S.M.

NAIB CANSEIOR



Lembaga Pengarah



**YBhg. Tan Sri Dato' Sri
Haji Mohd Khamil Jamil**
Pengerusi
Lembaga Pengarah Universiti



**YBhg. Profesor Datuk Dr.
Shahrin Sahib @ Sahibuddin, FASc**
Ahli



**YBhg. Datuk Profesor Dr.
Azlinda Azman**
Ahli



**Encik
Ramzi Mansor**
Ahli



**YBhg. Datuk
Omar Shariff Mydeen**
Ahli



**YBhg. Dato' Dr.
Adnan Alias**
Ahli



**YBhg. Datuk
Ariff Farhan Doss**
Ahli



**YBhg. Datuk
Nik Airina Nik Jaffar**
Ahli



**Encik
Mustaffa Kamil Ayub**
Ahli



**Tuan Haji
Muhamad Nizam Noordin**
MMIHRM
Setiausaha

Pengurusan Eksekutif



**YBhg. Profesor Datuk Dr.
Shahrin Sahib @ Sahibuddin, FASc**
Naib Canselor



**YBhg. Profesor Datin Dr.
Suzana Sulaiman**
J.M.N.
Timbalan Naib Canselor
(Akademik dan Antarabangsa)



**Profesor Dr. Haji
Mohd Sazili Shahibi**
Timbalan Naib Canselor
(Hal Ehwal Pelajar)



**Profesor Ts. Dr. Hajah
Norazah Abd Rahman**
Timbalan Naib Canselor
(Penyelidikan dan Inovasi)



**Profesor TPr. Dr.
Jamalunlaili Abdullah**
Timbalan Naib Canselor
(Jaringan Industri, Komuniti dan Alumni)



**Profesor Ts. Sr. Dr.
Md Yusof Hamid**
PMP, AMP
Timbalan Naib Canselor
(Pembangunan)



**Tuan Haji
Muhamad Nizam Noordin**
MMIHRM
Pendaftar



**Cik
Junita Jamaludin**
C.A.(M), ACMA, CGMA
Bendahari



**Profesor Madya Dr.
Hartini Saripan**
Penasihat Undang-undang



**Profesor Ir. Ts. Dr.
Juliana Johari**
Menjalankan Tugas
Ketua Pegawai Digital



**Ts. Haji
Azizi Haji Jantan**
Ketua Pustakawan



ATUR CARA

Istiadat Pemasyhuran Canselor dan
Penganugerahan Ijazah Kehormat Doktor Seni Kreatif
sempena Istiadat Konvokesyen UiTM ke-100
13 November 2024 (Rabu)

ISTIADAT PEMASYHURAN CANSELOR

Universiti Teknologi MARA

MASA	PERKARA
7.00 pagi	Ketibaan graduan dan ibu bapa
7:20 pagi	Ketibaan jemputan khas
7:25 pagi	Ketibaan Naib Canselor Ketibaan Ahli Lembaga Pengarah Universiti
7.30 pagi	Ketibaan Pengerusi Lembaga Pengarah Universiti
7.35 pagi	Ketibaan Pro-Canselor
7.40 pagi	Ketibaan Menteri Pendidikan Tinggi
7.45 pagi	Perarakan graduan
7.50 pagi	Perarakan alumni
7.55 pagi	Perarakan akademik
8.10 pagi	Perarakan besar
8.15 pagi	Keberangkatan tiba KDPB Tengku Ampuan Pahang Tunku Azizah Aminah Maimunah Iskandariah Binti Almarhum Sultan Iskandar Al-Haj
8.20 pagi	Keberangkatan tiba DYMM Tengku Permaisuri Hajah Norashikin, Tengku Permaisuri Selangor, Pro-Canselor
9.00 pagi	Keberangkatan tiba KDYMM Seri Paduka Baginda Yang di-Pertuan Agong Sultan Ibrahim Perbarisan Tabik Hormat Perarakan Utama Perarakan KDYMM Seri Paduka Baginda Yang di-Pertuan Agong Sultan Ibrahim masuk ke dalam dewan

ISTIADAT PEMASYHURAN CANSELOR

Universiti Teknologi MARA

Lagu Negaraku

Bacaan doa

Bacaan Watikah Pemasyhuran Tuanku Canselor oleh YB Menteri Pendidikan Tinggi

Penyerahan Watikah Pemasyhuran Canselor oleh YB Menteri Pendidikan Tinggi kepada KDYMM Seri Paduka Baginda Yang Di-Pertuan Agong

Sembah Aluan menjunjung kasih oleh Naib Canselor

Pengumuman Tujuan Istiadat Konvokesyen UiTM ke-100

Perisytiharan Pembukaan Istiadat Konvokesyen UiTM ke-100

Penganugerahan Ijazah Kehormat Doktor Seni Kreatif

Penganugerahan Ijazah Doktor Falsafah

Perisytiharan Alumni UiTM

Lagu UiTM di Hatiku

Titah KDYMM Seri Paduka Baginda Tuanku Canselor

Penangguhan Istiadat Konvokesyen

Perarakan KDYMM Seri Paduka Baginda Tuanku Canselor meninggalkan dewan

Majlis Santapan



MAKlumat
UNIVERSITI
TEKNOLOGI
MARA

Falsafah

Setiap individu mampu mencapai kecemerlangan melalui pemindahan ilmu serta penerapan nilai-nilai murni agar menjadi graduan profesional yang berupaya mengembangkan ilmu dan membangunkan diri, masyarakat dan negara

Visi

Menjadikan UiTM sebuah universiti terkemuka dunia dalam bidang Sains, Teknologi, Kemanusiaan dan Keusahawanan

Misi

Menjuarai pembangunan bumiputera profesional yang tangkas menerusi kurikulum terkehadapan dan penyelidikan berimpak

Objektif

- Memperluas akses pendidikan tinggi
- Menyediakan pendidikan bertaraf dunia
- Menawarkan program akademik yang memenuhi keperluan pasaran, memacu pembangunan negara dan kemakmuran global
- Menghasilkan graduan seimbang berciri keusahawanan yang kompetitif di peringkat global
- Mempertingkatkan penghayatan nilai melalui program pengukuhan
- Melestarikan kecemerlangan organisasi melalui tadbir urus yang efektif dan efisien
- Menjuarai penyelidikan berimpak melalui ekosistem penyelidikan yang padu
- Memperkasa jaringan strategik dengan alumni dan industri
- Menyediakan ekosistem terkehadapan yang kondusif untuk kemajuan akademik
- Mengawal selia kewangan secara efektif ke arah kelestarian organisasi



Nilai

Kecemerlangan

Mengamalkan kualiti piawai dalaman yang standard bagi memenuhi keperluan dan jangkaan pemegang taruh

Sinergi

Bekerjasama rapat untuk memaksimumkan produktiviti yang memberi manfaat kepada industri dan masyarakat

Integriti

Memupuk nilai kejujuran, hormat dan ketelusan untuk mencapai standard profesionalisme yang tinggi

Moto Universiti

“USAHA, TAKWA, MULIA”

اوسها تقوى موليا



LOGO
UNIVERSITÀ

Pengertian Bentuk Logo



Bentuk berlian empat segi lengkap di kemuncak lima buku melambangkan kualiti hasilan dari penimbaan ilmu di Universiti Teknologi MARA.



Bentuk berlian empat segi separuh digilap melambangkan peranan Universiti Teknologi MARA untuk memajukan bumiputera supaya menjadi satu bangsa yang cemerlang berusaha, bertakwa dan mulia.



Lima bentuk yang menyerupai buku yang menjulang ke atas melambangkan kepelbagaian bidang ilmu dan kepelbagaian peringkat pengajian yang ditawarkan seperti Sijil, Diploma, Ijazah Sarjana Muda, Ijazah Sarjana dan Ijazah Doktor Falsafah. Lima bentuk ini juga melambangkan Rukun Islam yang menjadi teras pembangunan pelajar.



Dua bilah keris bersilang melambangkan kedaulatan raja Melayu dan perjuangan bangsa Melayu untuk menegakkan kecemerlangan dan kedaulatan bangsa.



Buku yang diletakkan di atas rihal menjadi asas kepada pembentukan logo Universiti Teknologi MARA. Penggunaan buku melambangkan sumber ilmu. Sebagai sebuah institusi pengajian tinggi, teras segala ilmu termasuk dalam bidang sains dan teknologi yang disampaikan kepada pelajar adalah berdasarkan kepada ilmu al-Quran dan as-Sunnah. Penggunaan rihal melambangkan universiti sebagai dataran untuk menyampai dan memancarkan ilmu.



Bentuk bulat dalam bentuk keseluruhan logo melambangkan Universiti Teknologi MARA sebagai sebuah universiti bersifat global, unggul dan berdaya saing.

Pengertian Warna Korporat



Biru Tua

Membawa maksud kematangan sebuah institusi pengajian tinggi yang menawarkan pelbagai peringkat pengajian



Kuning

Melambangkan kedaulatan raja Melayu dan perjuangan bangsa Melayu dalam mencemerlangkan kualiti pendidikan negara



Ungu

Melambangkan kecemerlangan ilmu yang berbentuk global



Putih

Membawa maksud kesucian dan kemurnian ilmu yang ditawarkan kepada pelajar



اَبُو سَيِّدِي تَيْكُو لُو كِي مَارَا
UNIVERSITI
TEKNOLOGI
MARA

Keseluruhan bentuk logo masih mengekalkan bentuk tradisi supaya identiti keilmuan dan gedung ilmu kekal berpanjangan.

Cokmar

Cokmar atau lambang kuasa UiTM bermotifkan sebilah keris yang dinamakan **Keris Agung** dan diiringi dengan **Tombak Agung**. Kedua-duanya melambangkan UiTM sebagai sebuah institusi pengajian tinggi bumiputera yang terulung, kukuh dan murni.



Keris Agung

Keris Agung yang bersarung melambangkan kekuatan dan keutuhan bangsa Melayu. Motif ukiran yang terdapat pada Keris Agung ini menepati makna dan tujuan penciptaannya. Motif ini menggambarkan Seri Paduka Baginda Yang di-Pertuan Agong sebagai Canselor UiTM sekali gus melambangkan UiTM sebagai sebuah institusi pengajian tinggi bumiputera yang terulung.

Ciri-ciri keaslian dan ketulenan keris Melayu sebagaimana yang terdapat pada Keris Agung melambangkan falsafah penubuhan UiTM. Ia digarap dari idea penciptaan sebilah keris yang bernama Keris Potong Barat.

Motif ukiran pada hulu keris ialah motif bunga petola kuning, pendongkoknya bermotifkan pucuk rebung dan sarungnya bermotifkan bunga tanjung.

Motif bunga petola kuning pada hulu keris mewakili warna kuning diraja, menggambarkan Kesultanan Melayu. Motif pucuk rebung melambangkan proses pendidikan yang membentuk mahasiswa universiti ini menjadi graduan profesional. Motif bunga tanjung pada sarung keris pula melambangkan identiti negeri Selangor, bersesuaian dengan kedudukan kampus induk UiTM yang berpusat di negeri Selangor.

Kewibawaan makna identiti keris terserlah dengan logo UiTM yang diletakkan di atas ukiran perak pada pangkal sarung keris. Bahagian tengah sarungnya pula tertera tulisan khat thuluth yang mempamerkan moto UiTM iaitu "Usaha, Takwa, Mulia".

Tombak Agung

Tombak Agung yang terdiri daripada sepasang tombak; satu berluk lima dan satu lagi bermata daun buluh, merupakan lambang kepada nilai keagamaan, keilmuan, keperibadian serta kedaulatan bangsa dan negara. Motif keseluruhan batang tombak diambil dari reka bentuk kubah yang membawa maksud UiTM sebagai wadah pemberian dan penerimaan ilmu menurut hukum ilmu ke arah membina kebaikan dan menolak kemungkaran berlandaskan akidah, khususnya dalam kalangan mahasiswanya, demi agama, bangsa dan negara.

Mata tombak berluk lima mencerminkan lima Rukun Islam. Manakala yang bermata daun buluh menggambarkan kekayaan seni reka Melayu yang asli. Penghias tombak ialah ukiran destar perak bermaksud raja-raja Melayu yang bertanggungjawab terhadap hal ehwal agama Islam dan simbol ketinggian tamadun bangsa Melayu.

Bahagian batang tombak juga dihiasi dengan ukiran perak bunga tanjung, manakala bahagian atasnya terdapat logo dan moto UiTM iaitu "Usaha, Takwa, Mulia" ditulis dengan khat thuluth. Logo dan moto ini menggambarkan keunggulan UiTM sebagai sebuah institusi pengajian tinggi yang diwujudkan berlandaskan aspirasi untuk menghasilkan graduan-graduan bumiputera yang menguasai maklumat dan teknologi tinggi.





SEJARAH
UNIVERSITI
TEKNOLOGI
MARA

Dewan Latehan RIDA (1956-1965)

Sejarah Universiti Teknologi MARA (UiTM) bermula dengan penubuhan Dewan Latehan RIDA (DLR). Penubuhan DLR adalah inspirasi daripada Dato' Onn Jaafar ekoran susulan lawatan yang dilakukan beliau dan Tun Abdul Razak Hussein ke Ceylon (sekarang Sri Lanka) pada tahun 1951. Tujuan utama lawatan yang dibuat adalah untuk mendalami program pembangunan dalam negeri. Selepas lawatan itu, satu kertas kerja (kertas no. 10 pada 1950) telah dikemukakan kepada Majlis Perundangan Persekutuan (*Federal Legislative Council*). Kertas kerja tersebut merupakan asas kepada penubuhan *Rural Industry and Development Authority* (RIDA), sebagai satu badan agensi kerajaan. Objektif RIDA adalah untuk membangunkan taraf sosial penduduk dan meningkatkan sosioekonomi masyarakat luar bandar.

DLR telah menawarkan beberapa kursus asas terutamanya berhubung dengan perniagaan. Pada tahun-tahun kemudiannya, beberapa penambahan kursus telah dilakukan dan telah dinaik tarafkan. Pada tahun 1960, tiga kursus baharu telah diperkenalkan iaitu *Stenography*, *Secretaryship (ACS)* dan *Accountancy (Australian Society of Accountants)*. DLR mula memperkenalkan kursus berbentuk profesional iaitu Pengurusan Awam Perniagaan pada tahun 1962. Peperiksaan bagi kursus ini disediakan dan dikendalikan oleh *British Institute of Management* mulai tahun 1964.



MAKTAB MARA

Maktab MARA (1965)

Semasa berlangsungnya Kongres Ekonomi Bumiputera pada 5 hingga 7 Jun 1965 di Kuala Lumpur, 68 resolusi telah dikemukakan; 22 daripadanya adalah berkenaan dengan pengkajian semula peranan dan objektif RIDA, serta cadangan baharu untuk mengukuhkan keberkesanan aktiviti yang dijalankan oleh pihak yang berkuasa. Langkah pertama yang diambil adalah menukar nama RIDA kepada Majlis Amanah Rakyat (MARA). Menurut Tun Abdul Razak Hussein, penubuhan ini adalah untuk memberi nafas baru dan harapan kepada RIDA. Ekoran daripada itu, pada bulan Jun, Dewan Latehan RIDA telah ditukarkan kepada Maktab MARA.





Institut Teknologi MARA (Oktober 1967)

Satu bantian ke atas sumber manusia yang dijalankan oleh pihak kerajaan dan dibantu oleh Pertubuhan Bangsa-Bangsa Bersatu pada tahun 1965 menunjukkan terdapat kekurangan latihan di peringkat penyediaan sumber manusia profesional dan separa profesional khususnya dalam kalangan bumiputera.

Bagi mengatasi masalah ini, 300 ekar tanah di Shah Alam telah diperuntukkan dan diluluskan untuk pembinaan kampus baharu Maktab MARA. Pembinaan kampus ini adalah tujuan untuk melatih sumber manusia yang diperlukan dalam kalangan bumiputera. Pada hari Sabtu, bersamaan 14 Oktober 1967, batu asas telah diletakkan oleh Tun Abdul Razak Hussein di Shah Alam. Maktab MARA telah bertukar nama kepada Institut Teknologi MARA (ITM). Kerja-kerja pembinaan kampus Shah Alam telah dimulakan pada awal tahun 1968 dan mula digunakan pada tahun 1970.

Seiringan dengan pembangunannya yang pantas, pada hujung tahun 1970, ITM telah diberikan autonomi untuk mentadbir dan tidak lagi di bawah Bahagian Latihan MARA. Ia telah diletakkan sepenuhnya di bawah Kementerian Pembangunan Negara dan Luar Bandar. Sejak daripada itu, ITM telah berkembang sebagai Institut Pengajian Tinggi dalam negara. Pada bulan Jun 1976, Akta ITM (Akta 173) telah diluluskan oleh Parlimen dan diletakkan di bawah Kementerian Pendidikan.





الجامعة التكنولوجية مارا
UNIVERSITI
TEKNOLOGI
MARA



Universiti Teknologi MARA (26 Ogos 1999)

Pada 26 Ogos 1999, Perdana Menteri Malaysia pada ketika itu, Dato' Seri Dr. Mahathir Mohamad telah mengumumkan pertukaran nama ITM kepada Universiti Teknologi MARA (UiTM). Aspirasi UiTM adalah untuk menjadi sebuah pusat pengajian tinggi bertaraf dunia serta menjadi universiti terbaik. Justeru itu, UiTM telah mendapat pengiktirafan ISO 9001:2000 pada 5 Ogos 2004 dan menjadi universiti pertama di dunia yang mendapat pensijilan keseluruhan yang meliputi pengurusan korporat, perkhidmatan sokongan, pengajaran dan pembelajaran.

UiTM sentiasa menumpukan kepada kecemerlangan akademik, inovasi, sosial, pengiktirafan antarabangsa dan teknologi baharu yang menyumbang kepada pembangunan industri dan negara. Ini dibuktikan melalui pencapaian dan anugerah yang dimenangi di peringkat kebangsaan dan antarabangsa. Dalam bidang sains sosial, UiTM Chamber Choir dikenali di peringkat dunia apabila memenangi hadiah utama dalam pelbagai pertandingan di peringkat antarabangsa bermula 2015 hingga kini.



UNIVERSITI TEKNOLOGI MARA

Turut membanggakan, Pasukan Mooting UiTMLaw turut dikenali di peringkat dunia apabila berjaya menewaskan pasukan dari universiti-universiti ternama Eropah dalam Philip C. Jessup International Law Moot Court Competition, satu pertandingan yang dihadiri oleh fakulti undang-undang terkenal seluruh dunia. Dalam bidang sains dan teknologi, UiTM mengorak langkah dalam penerokaan penyelidikan nanosatelit UiTMSAT-2. Nanosatelit yang bersaiz 1U ini adalah salah satu nanosatelit di dunia yang menyediakan imejan resolusi paras tinggi. Selain dari itu, penyelidikan mengenai jujukan genom pertama orang Melayu telah dijalankan melalui iPROMISE, UiTM, iaitu pusat penyelidikan terkemuka dalam Perubatan Genomik. Penyelidikan ini telah membawa kepada kolaborasi dengan beberapa badan kesihatan di Malaysia dan luar negara. Dalam bidang perakaunan, terdapat ramai pelajar UiTM yang mendapat skor tertinggi di dunia dalam peperiksaan anjuran Association of Chartered Certified Accountants (ACCA).

UiTM kini berada pada kedudukan ke-101 dalam senarai QS Asia University Rankings 2025 dan ke-587 bagi penarafan QS World University Rankings 2025. Ini menunjukkan usaha berterusan UiTM dalam meningkatkan kualiti akademik dan kebolehpasaran graduan.

Sejajar dengan falsafah penubuhan UiTM, universiti ini sentiasa memberi peluang kepada pelajar luar bandar untuk mengubah kehidupan keluarga dengan menawarkan tempat pengajian dalam program-program yang disediakan. Menjangkau usia 66 tahun ini, UiTM telah menjana pembangunan dan sumbangan yang berterusan, terutama dalam memenuhi tuntutan negara demi memperbaiki ketidakseimbangan landskap sosioekonomi masyarakat khususnya Melayu dan bumiputera. Hala tuju UiTM terkini adalah menjadi salah sebuah universiti yang dikenali dunia menjelang tahun 2025 (GRU2025). Aspirasi ini adalah untuk meningkatkan keterampilan UiTM di persada dunia dengan menjiwai konsep kemakmuran bersama dengan berkongsi sumber dan tenaga. Semoga UiTM kekal relevan melalui imej dan penjenamaan global dengan lebih jitu.





BIOGRAFI


**Kebawah Duli Yang Maha Mulia
Seri Paduka Baginda Yang di-Pertuan Agong
Sultan Ibrahim**





KDYMM SPB Yang di-Pertuan Agong Sultan Ibrahim diputerakan pada 22 November 1958, di Hospital Sultanah Aminah, Johor Bahru dan Baginda merupakan putera sulung kepada Almarhum Sultan Iskandar Ibni Almarhum Sultan Ismail dan Almarhumah Enche' Besar Hajah Khalsom Binti Abdullah.





Seri Paduka Baginda mula mendapat pendidikan asas di Taman Didikan Kanak-Kanak Tunku Ampuan Mariam, Johor Bahru sebelum memulakan persekolahan di Sekolah Temenggong Abdul Rahman (1) Johor Bahru. Seri Paduka Baginda kemudian melanjutkan pelajaran di Trinity Grammar School, Sydney, Australia pada tahun 1968 hingga 1970, sebelum meneruskan pelajaran menengah di English College (Maktab Sultan Abu Bakar) dari tahun 1971 hingga 1975. Baginda turut mendapat pendidikan agama di Sekolah Agama Ayer Molek, Johor Bahru.





KDYMM Seri Paduka Baginda Sultan Ibrahim, Yang di-Pertuan Agong ke-17, dikenali sebagai seorang raja yang berjiwa rakyat dan lantang dalam menyuarakan pandangan mengenai isu-isu kebajikan, kebersihan, dan perpaduan. Baginda merupakan seorang pemimpin yang sentiasa mendekati rakyatnya melalui pelbagai inisiatif dan program, menjadikan Baginda antara pemimpin diraja yang sangat dihormati di Malaysia. Dikenali dengan sifat mesranya terhadap rakyat, terutamanya melalui program “Kembara Mahkota Johor” yang menyaksikan Baginda mengembara ke seluruh negeri Johor menggunakan pelbagai kenderaan termasuk motorsikal, dalam usaha mendekati dan bertemu dengan rakyat dari semua lapisan masyarakat. Program yang dilaksanakan mengukuhkan lagi hubungan Baginda dengan rakyat negeri Johor. Minat Baginda terhadap aktiviti lasak seperti permotoran dan berlayar juga menyerlahkan sifat Baginda yang aktif dan suka akan cabaran. Penglibatan Baginda dalam aktiviti-aktiviti berikut bukan sahaja dilihat sebagai hobi, tetapi juga dijadikan sebagai salah satu usaha untuk terus terlibat dengan rakyat dalam pelbagai aspek kehidupan. Malah, Sultan Ibrahim juga mempunyai bakat dalam bidang memasak yang menjadikan Baginda unik sebagai seorang pemimpin diraja yang serba boleh.





Kepemimpinan Seri Paduka Baginda terserlah selepas melibatkan diri di dalam aktiviti ketenteraan yang turut dijadikan asas bagi membina semangat juang, disiplin serta perwatakan yang berwibawa. Sultan Ibrahim menjalani latihan asas ketenteraan selama enam bulan di Pusat Latihan Darat (PULADA), sebelum meneruskan latihan "Airborn and Infantry Officers Basic Course" di US Army Infantry School, Fort Benning dan John F. Kennedy Special Warfare Center and School di Fort Bragg, Amerika Syarikat bagi kursus "Special Forces Officers Course". Semasa menjalani kedua-dua kursus ini, Sultan Ibrahim telah melakukan 11 penerjunan payung terjun dari pesawat pada waktu siang, dan lapan terjunan pada waktu malam, yang melayakkan Seri Paduka Baginda dianugerahkan "sayap" sebagai seorang komando. Lebih membanggakan apabila Seri Paduka Baginda turut ditauliahkan sebagai anggota pasukan US SEAL (tentera darat, laut dan udara).



Seri Paduka Baginda dimasyhurkan sebagai Tunku Mahkota Johor pada 3 Julai 1981. Pada 22 September 1982, Baginda diijab kabulkan bersama KDYMM SPB Raja Permaisuri Agong Raja Zarith Sofiah dan mendirikan rumah tangga di Istana Pasir Pelangi, Johor Bahru pada tahun 1983 selepas Tuanku Raja Zarith Sofiah menamatkan pelajaran ijazah di United Kingdom. Pasangan Diraja ini dikurniakan lima orang putera dan seorang puteri. Semangat dan nilai-nilai kebertanggungjawaban serta dedikasi kepada tugas telah diterapkan dalam diri Sultan Ibrahim sejak usia muda oleh ayahanda Baginda, Almarhum Sultan Iskandar. Malah, nenda Baginda, Almarhum Sultan Ismail turut banyak menurunkan bimbingan dan ilmu bagi membentuk cucundanya menjadi seorang Raja yang berwibawa. Pada 25 April 1984 hingga 25 April 1989, Sultan Ibrahim sebagai Tunku Mahkota Johor ketika itu, telah dilantik sebagai Pemangku Sultan semasa Almarhum Sultan Iskandar menjalankan tugas sebagai Yang di-Pertuan Agong ke-8. Baginda dimasyhurkan sebagai Sultan Johor pada 23 Januari 2010 selepas kemangkatan Almarhum Sultan Iskandar, dan dimahkotakan pada 23 Mac 2015.









Sultan Ibrahim dipilih menjadi Yang di-Pertuan Agong Ke-17 dan telah melafaz serta menandatangani surat sumpah jawatan pada 31 Januari 2024 di Istana Negara. Berikutan itu, Istiadat Pertabalan Baginda telah berlangsung pada 20 Julai 2024 dalam satu upacara bersejarah yang penuh adat tradisi diraja dan disaksikan Raja-Raja Melayu, para pembesar negara serta pemimpin luar negara. Bagi istiadat itu, Baginda mengenakan persalinan rasmi Yang di-Pertuan Agong, iaitu pakaian "Muskat" yang dilengkapi dengan Tengkolok Diraja, Samping Diraja, Pending Diraja serta Keris Pendek Diraja. Istiadat Pertabalan bermula dengan persembahan senaskhah Al-Quran kepada Sultan Ibrahim, yang dicitum oleh Baginda sebagai tanda penghormatan kepada kemuliaan dan kesucian Islam sebagai agama rasmi Persekutuan. Baginda kemudian dipersembahkan dengan Keris Panjang Diraja atau Keris Kerajaan yang merupakan simbol punca kuasa dan pemusatan kuasa yang diamanahkan kepada Yang di-Pertuan Agong.







Sultan Ibrahim juga menonjol sebagai seorang pemimpin di peringkat antarabangsa dan memainkan peranan yang penting dalam memperkukuhkan hubungan antarabangsa negara. Sebagai ketua negara, Baginda bukan sahaja bertanggungjawab terhadap urusan dalam negeri, tetapi juga terlibat dalam pelbagai aktiviti di peringkat global yang mencerminkan kedudukan Malaysia di pentas dunia. Baginda juga terlibat dalam usaha diplomasi yang bertujuan untuk memperkukuhkan hubungan antara Malaysia dan negara-negara lain. Melalui lawatan rasmi ke beberapa negara, Baginda berkesempatan untuk berbincang mengenai kerjasama strategik. Lawatan ini bukan sahaja meningkatkan hubungan bilateral, tetapi juga membuka peluang perdagangan dan pelaburan yang luas.







KEMENTERIAN PENDIDIKAN TINGGI

Watikah
PEMASYHURAN

KEBAWAH DULI YANG MAHA MULIA
SERI PADUKA BAGINDA YANG DI-PERTUAN AGONG
SULTAN IBRAHIM

Bismillahir Rahmannir Rahim
Dengan Nama Allah
Yang Maha Pengasih Lagi Maha Penyayang

Dimaklumkan Bahawa Subseksyen 19A (2)
Akta Universiti Teknologi MARA 1976 (Akta 173)
Memperuntukkan Bahawa
"Canselor ialah Yang di-Pertuan Agong".

Berdasarkan Kepada Peruntukan Subseksyen 19A (1), Akta Berkenaan,
Seri Paduka Baginda Yang di-Pertuan Agong
hendaklah mempengerusikan Konvokesyen Universiti.

Patik merafak sembah
memohon limpah perkenan
Pemasyhuran Kebawah Duli Yang Maha Mulia
Seri Paduka Baginda Yang di-Pertuan Agong
Sultan Ibrahim
sebagai Tuanku Canselor Universiti Teknologi MARA.
Patik memohon perkenan Tuanku atas pemasyhuran ini.

Ampun Tuanku,

Patik berdoa, semoga Kebawah Duli Yang Maha Mulia
Seri Paduka Baginda Tuanku dan
Kebawah Duli Yang Maha Mulia
Seri Paduka Baginda Raja Permaisuri Agong
sentiasa berada dalam kandungan sihat walafiat,
dimurahkan rezeki dan sentiasa berada dalam peliharaan Allah S.W.T.

Ampun Tuanku Beribu Ampun,
Sembah Patik Mohon Diampun,

DR. ZAMBRY ABD KADIR
Menteri Pendidikan Tinggi

Termaktub : Di Kementerian Pendidikan Tinggi
Pada : 13 November 2024
Bersamaan : 11 Jamadilawal 1446H

MENJUNJUNG KASIH

Sempena Keberangkatan
Kebawah Duli Yang Maha Mulia
Seri Paduka Baginda Yang di-Pertuan Agong
Sultan Ibrahim
Bercemar Duli
ke Universiti Teknologi MARA

NAIB CANSELOR

mengucapkan
setinggi-tinggi penghargaan dan terima kasih
kepada

Ahli Jawatankuasa serta **seluruh warga**
Universiti Teknologi MARA
yang telah terlibat dalam menjayakan
Istiadat Pemasyhuran ini



— ISTIADAT — PEMASYHURAN CANSELOR

Universiti Teknologi MARA

**Kebawah Duli Yang Maha Mulia
Seri Paduka Baginda Yang di-Pertuan Agong
Sultan Ibrahim**

13 November 2024

— bersama —

1446 جاديلازل 11





SIDANG PENGARANG

Buku Cenderamata
Istiadat Pemasyhuran Canselor UiTM

Penaung

Profesor Datuk Dr. Shahrin Sahib @ Sahibuddin, FASc
Naib Canselor

Penasihat

Tuan Haji Muhamad Nizam Noordin, MMIHRM
Pendaftar

Pengerusi

Profesor Dr. Ismie Roha Mohamed Jais
Penolong Naib Canselor (Komunikasi Strategik)

Penyunting

Ts. Dr. Hayati Abd Rahman
Pengarah Bahagian Komunikasi Strategik

Puan Zuraidah Jantan

Ketua Informasi dan Penerbitan (Bahasa Melayu)

Royal Press Office

Encik S. Anand Kumar
Encik Muhd Nazri Azmi

Dokumen Rasmi Pemasyhuran

Cik Adlin Na'qiah Sabar@Sabal
Puan Rozani Mohd Noh

Penyelaras Visual

Puan Haryati Kamaruddin
Ketua Unit Pengurusan Jenama

Grafik

Encik Mohd Nor Firdaus Mohd Isa

Fotografi

Encik Roslan Daud
Encik Shamsul Hidayat Omar
Puan Shahida Nordin
Puan Shazana Shabuddin

Urus setia

Puan Ezurya Rathi
Encik Norhilman Nordin
Puan Izmawati Sodding
Puan Adilla Hayati Mohd Satali
Puan Siti Haslinda Abdul Halim

Setinggi-tinggi penghargaan
dan terima kasih diucapkan kepada
Istana Negara atas sumbangan maklumat
dan gambar diraja.

ISTIADAT PEMASYHURAN CANSELOR

Universiti Teknologi MARA

Kebawah Duli Yang Maha Mulia
Seri Paduka Baginda Yang di-Pertuan Agong
Sultan Ibrahim

13 November 2024
bersamaan

1446 جمادى الآخرة 11





ISTIADAT PEMASYHURAN CANSELOR

Universiti Teknologi MARA

**Kebawah Duli Yang Maha Mulia
Seri Paduka Baginda Yang di-Pertuan Agong
Sultan Ibrahim**

13 November 2024
bersamaan

1446 11 جمادى الآخرة



AUTOGRAF

Konsep & Reka Bentuk :

Pejabat Komunikasi Strategik,
Universiti Teknologi MARA

**Globally
Renowned**
Locally Rooted

UiTM *di hatiku*

اوسها تقوى مولىا